

中国边疆研究资料文库·边疆行政建制初编

西北及西南

中国边疆研究资料文库·边疆行政建制初编

西北及西南

【清】慕璋纂

新疆回部紀畧

序

新疆不皆回族也以回族居大多數羣稱之曰回國回族亦非
阿剌伯種也其先皆突厥族以信奉回教故稱之曰回部元太
祖成吉思汗平西域征服回部對部之宗教而聽其自由以其
人強悍精神上之團結最堅思有以分散之故嘗遷徙於內地
世祖即位後欲使漢回感情日漸融洽陝西行中書省設回回
令陝西諸道行御史臺設回回掾吏其所見者大也元以後
知此道者鮮矣故亂事因以發生我朝疆域開拓跨越漢唐天
山南北胥奉正朔然乾隆盛時回人博羅尼耆據喀什噶爾霍

秦蜀匪患記略

卷一

秦蜀匪患記略

集占據葉爾羌致煩大兵事在往昔請以近事言之同治初元
陝回肇亂甘回應之官不能軍勢遂大揚新疆孤懸關外餉源
斷絕陝回安得璘遂據烏魯木齊分擾天山南北疊為義民徐
學功所擊敗喀回全相印復引安集延酋長怕夏襲據喀什噶
爾與安得璘戰已而得璘敗死新疆全省悉為怕夏有怕夏懼
號稱王結好英俄時俄人據伊犁承認怕夏為獨立國英亦遣
使往來廷議將以天山南路封怕夏佐候力持不可今上御極
之元年在候遣劉錦棠帥師西征錦棠復重用董福祥張俊諸
名將各率所部掃穴犁庭光緒四年天山南北兩路皆蕩平怕

夏仰藥死新疆設行省與洛浦關輔同為腹裏回部內附不復
用兵皆食和吐氣而頌曰或哉乎斯世雖然安不忘危古有明
訓地大物博易孳而牙則兇樞衡輿文武不分畛域和好鄰邦
惟賢監司是賴惟是規模初創人材缺乏今之權利害講形式
者多重郵驛修衙署鮮有暇力為民營長策便計對所在回部
尤多歧視起視新疆之人民土地荒漠者如故疲瘁者如故致
令夙相親愛之回族同龍目且危疑震撼強鄰百出其術以煽
惑而無固結禦侮之方精神上之感情不相聯屬更安期主權
之絕無障礙哉是則經營西北者之責也政府為此懼力求根

新疆行政建制初編

卷二

本之計以謀建設欲明瞭回部內容可謂知所先務矣鎮原恭
壽堂先生與余誼屬同寅時相過從深知其研究地理與種族
源流非一朝一夕故矣頃奉長官命馳往天山瀚海間纂新疆回
部紀畧一書余索而觀之其體創曰沿革曰疆域曰山川曰建
置曰官制曰營伍曰糧餉曰賦稅曰軍台曰回務曰夷務曰古
蹟皆據同治以前檔案詳細調查筆之於書而於哈密回部紀
述尤詳蓋哈密為甘肅入新疆之第一都會回部親王駐此故
也現在之建置若何正在草創間政府將根據是編觀已往之
事實謀將來之福利故暫時從畧以俟補充後之讀是編者可

知新疆之歷史與回部之基布於天山南路矣余老矣無鎮原
皇甫鑑之才序左思三都賦而是編書法謹嚴紀載翔實紙貴
洛陽行將拭目俟之

光緒九年仲冬之月

西寧府學教授李時昇序

自序

昔漢武帝追迹驕虜創置張掖武威酒泉敦煌四郡以通西域
中遭新莽之亂閉玉門關遏絕西域朝貢唐宋之隆時臨夷狄
國初天山北路為準噶爾所據南路為回部所據乾隆間次第
平定設伊犁將軍烏魯木齊提督及各路領隊大臣以鎮攝之
時則中國西北已有新疆之名稱也而地方官吏則陝甘總督
實進退之則是新疆者甘肅之新疆也今上御極之四年再平
新疆回亂未幾俄國交還伊犁乃設行省與腹地倖脫離甘肅
關係舉漢唐所開闢之西域奔走偕來同我太平原不徒纏回

一類也八年冬今青海辦事大臣李公欽伯奉恭邸手札以萬里新疆回部居大多數樞府欲知其內容以為行政方鍼就近遣派委員馳赴天山南北考察地理之沿革及回部一切情形時余教諭西寧李公以余文理稍通尚堪驅策會商總督檄為調查員車馬絡宿紙筆諸費悉取諸公家以九年二月朔取道甘肅抵酒泉備駝祁連合黎之山環索月氏休屠之地見夫人煙輻輳渠道縱橫噴壯哉亶巨鎮也及出嘉峪關日驅車戈壁中至新疆哈密則回部親王在焉由哈密以至和闐距崑崙八百餘里目所睹皆纏回也調閱檔案踏勘地形考以史書參以

興論幾經審慎始敢操觚索為一書名曰新疆回部紀畧是年十月回西賓竣事索唐會要顯慶三年五月九日以西域平遣使分往康居國吐火羅國訪風俗物產及古今慮置畫圖以進令史官撰西域圖志王海至道三年七月四日真宗詔宰臣曰朕欲觀邊防郡縣山川形勢可擇使以往乃選左藏副使楊允恭崇議副使竇神寶閤門祇候李允則乘傳視山川形勢不久地均淪陷其所著述今亦不傳我朝仁鑠處卑蟠際日出沒地漢唐宋所未征服之地索多陳俎唱喏向風武功之盛興地之廣可與元太祖成吉思汗輝映後先矣雖然思危所以求安慮

述所以能進懼亂所以保治戒亡所以獲存也成吉思汗平西
域初至伊犁利用回部以取甘涼平西夏西北上游胥隸版圖
子孫因之統一華夏不及百年豆剖瓜分順帝遷居漠北一蹶
而不能復振者因無政治設施以鞏固其根本也今聖天子賢
宰衡勵精圖治思患豫防撫此邊遠之新疆思所以長治而久
安者余知其必有合也李公將以是編恭繕進呈圖上方畧俾
回部長享洪範之福者顧不鉅歟是編也行李倉皇章成急就
不能龜鏡將來成其不利而芻蕘之策或亦

當軸諸公所樂聽乎爰誌其緣起如右

光緒十年孟春之月

西寧縣學教諭慕

璋序

光緒十年孟春之月

西寧縣學教諭慕

璋序

序

新疆為全天之奧區古華胥國之舊址自漢迄明羈縻而已我朝乾隆時天山南北悉成編戶此誠開闢以來所未觀嗚呼盛矣新疆設省之議始於龔自珍而成於左侯恪靖劉中丞錦棠然新設之諸郡邑多者千餘戶少或數百數十名口不敢內地之一鄉惟南路各城較為富庶而強半回族信教甚堅與漢人不相往來國家歲糜數百萬金之新餉若不得其要領又無人認真考查說明源流撫輯詔來有名無實何足以支柱強鄰鞏固邊防哉吾師慕齋堂先生隴東世家也年十七肄業闕中書

新疆回部紀略

卷一

新疆回部紀略

院從路閣生太史游講求經史有用之學及水利邊防諸要政
光緒丙子由歲豐辛酉科副榜舉本省鄉試先是同治中從雷
提督禔堂軍克復金積堡論功保知縣如花翎同知銜其計偕
至京師也閣文介公擬密保例可選得知縣決然捨去就教職
司鐸函竄以維維禮之庸愚親炙道暉已八年於此矣道聞新疆
設行省同人喜曰崑崙月窟之鄉一變而為絃誦之區矣先生
曰否否新疆回亂十七年人民寥落土壤荒蕪建設之初欲與
內地侔非移民實邊不可聞者體之頃以新疆回部紀畧命門
人清榮乃得窺其全豹古所謂大手筆者不圖反身親見之古

之大夫德音有九一曰使能造命讀皇華之詩詢度詠謀皆使職也豈僅光華於道路而已後世使臣登高能賦乘傳懷人於政治曾何裨益以王漁洋之有事南海所著皇華紀聞內言鬼神荒渺與大鳥獸草木非常之奇怪搜討摭拾綴太平其他復何論哉新疆錄入版圖垂百餘年往來天山瀚海間而不著一字者無論矣王乃坡游歷新疆所著吟鞭騰稿皆乾隆癸卯甲辰乙巳丙午四年中子役之作狄道吳松崖盛稱之嘗讀其吟詠大抵山林水土民風物產之類求所謂政治關係則未之覩也誠與紀畧相比較孰輕孰重不待智者而知矣昔元太祖